

KANTIG

(50)

AR

VARTOLODED.

APPROBATION DE M^{sr} DAVID,

Evêque de Saint-Brieuc et Tréguier


« Nous approuvons ce cantique, dont nous avons
« inspiré l'idée, par affection pour les braves marins
« de notre diocèse. Que Dieu et la Sainte Vierge les
« protègent!

« Nous félicitons M. Le Jean de ses beaux vers,
« qui expriment de nobles sentiments.

« **† AUGUSTIN,**

« *Evêque de St-Brieuc et Tréguier.* »

(*)



KANTIG AR VARTOLODED.

War don : kantig galleg ann Itroun-Varia-Wir-Sikour,
Salut à toi...

Deomp, a greiz kaloun, war hol listri
Ha treuzomp ar mor hep enkrez;
Dre c'hras Doue ne lounko hini,
Rag gwestled omp holl d'ar Werc'hez!

DISKAN.

Kenavo d'id, douar Breiz-Izel,
Kenavo d'ide, mamm ar Sent.
Kaset war ann dour gand ann avel,
Doue gan-eomp a vo enn hent. (*diou weach.*)

Setu all lano, enn eur iudal,
O tond d'hon c'hlasg gant kezeg gwenn,
Hag hol listri, kerkend o tridal,
D'ar gwagennou a dro ho fenn. *Kenavo...*

Koenved ar gweliou gand ann avel,
Hor c'herent paour zo o wela,
Hag hor fersoun mad, ann den santel, (*)
A zeu d'ann aod d'hon binniga. *Kenavo...*

(*) Mar d'eo ann aotrou n'Eskop a zeu da vinniga al listri, e vezo lavared : *Hag hon Eskop, ar Pretlad santel.*

Saved ann eor, saved ar c'herden,
Ez eomp kuid e berr amzer,
Ha, war hon daoulin, c'hoaz eur beden
Enn eur bellaad ouz hor bro ger. *Kenaco.*

« Doue Breiziz, Doue hon Tadou,
Hon mirid a bec'hed bemdez;
Ha c'houi, Gwerc'hez, pedid ann Aotrou
Ra zistroimp holl e buez!

DISKAN.

Luskellet gand ar mor, ann avel,
Ha diouc'h ar maro treuz bleven;
Teurveit breman, Tad eternal,
Sturia hol lestrik penn-da-benn. (*diou weach.*)

Gloar da Zoue e krec'h ann envou,
Gloar bepred d'ann Dreinded Santel;
Spered ar C'hrouer, war ann douriou,
A ren kouls hag e Breiz-Izel. *Luskellet...*

Nag a besk dindan-omp-ni breman,
Estlamet, gan-eomp o tremen,
A ro bemdez meuleudi d'ezhan;
Enn ho giz e reont peden. *Luskellet...*

Pa guz ann heol, pa bar ar stered,
Pa ve al loar koand o sevel,
War ar pound, o pedi daoulined,
Ar grouidigez ni a sell. *Luskellet...*

A-uz d'hor fenn bolz kaer ann envou,
Gand dourn Doue eno stigned;
Ha, dindan hor zreid, ann islounkou
A ziskwez ivez ho stered. *Luskellet...*

Setu eat kuid ann devalijen,
Setu ar mintin a nevez;
Ra vezo mor ar bed da dremen
Ker brao evel hen-man bemdez. *Luskellet...*

Breman, e gwel d'eunn aod divroed,
Beo ha iac'h hep na spount na glaz ;
Dirag daoulagad Doue bepred,
Ez'omp holl d'ann douar c'hoaz.

DISKAN.

Hastomp, hastomp 'ta, martoloded,
Sevel d'ann env hor c'halounou,
Ha trugarekaomp ann Dreinded
O kana he meuleudiou. *(diou weach.)*

I. - M. AR IANN



(TOUS DROITS RÉSERVÉS.)

Gwengamp, e ti AR GOFFIC, Moulur-Levrer.